

Bosna i Hercegovina Federacija Bosne i Hercegovine		Босна и Херцеговина Федерација Босне и Херцеговине
KANTON SARAJEVO Vlada		КАНТОН САРАЈЕВО Влада
	Bosnia and Herzegovina Federation of Bosnia and Herzegovina CANTON SARAJEVO Government	

Broj: 02-05-30843-1/18
Sarajevo, 30.08.2018. godine

Zastupnicima Skupštine Kantona Sarajevo

PREDMET: Stavovi na amandmane zastupnika i Klubova zastupnika u Skupštini Kantona Sarajevo po materijalima koji se nalaze na dnevnom redu 44. Radne sjednice Skupštine Kantona Sarajevo

Na 140. sjednici Vlade Kantona Sarajevo održanoj 30.08.2018. godine, a u funkciji pripreme 44. Radne sjednice Skupštine Kantona Sarajevo, razmatrani su amandmani zastupnika i Klubova zastupnika u Skupštini Kantona Sarajevo po materijalima koji se nalaze na dnevnom redu navedene sjednice, i to:

1. Amandmani Segmedine Srna-Bajramović zastupnice SDP BIH u Skupštini Kantona Sarajevo na Prijedlog zakona o policijskim službenicima Kantona Sarajevo
2. Amandman Rasima Lakote zastupnika SBB u Skupštini Kantona Sarajevo na Prijedlog zakona o policijskim službenicima Kantona Sarajevo
3. Amandmani Sindikata policije Kantona Sarajevo na Prijedlog zakona o policijskim službenicima Kantona Sarajevo

Nakon razmatranja amandmana zastupnika Skupštine Kantona Sarajevo, Vlada Kantona Sarajevo zauzela je sljedeće

S T A V O V E

1. AMANDMANI SEGMEDINE SRNA-BAJRAMOVIĆ ZASTUPNICE SDP BIH U SKUPŠTINI KANOTONA SARAJEVO

1.1. Na Prijedlog zakona o policijskim službenicima Kanotna Sarajevo, podnosi sljedeće:

AMANDMAN I

U članu 50. dodaje se stav 2 koji glasi:

U pravilu, Ministarstvo bi se trebalo popunjavati svake godine, direktnim upošljavanjem putem otvorenog testiranja osoba sa minimum završenom višom školskom spremom ili visokom stručnom spremom, na najmanje 50% pozicija koje imaju čin mlađeg inspektora, a drugu polovinu tih pozicija putem unapređenja službenika sa nižeg na viši čin.

Obrazloženje:

Uzimajući u obzir da prema članu 50. zakona Policijski komesar u skladu sa Pravilnikom o unutrašnjoj organizaciji donosi odluku koliko će radnih mjesta u činu "mlađeg inspektora" biti popunjeno zapošljavanjem novih policijskih službenika i koliko će radnih mjesta biti

popunjeno putem unapređenja policijskih službenika, izuzetno je važno propisati da se 50% svih upražnjenih radnih mjesta za mlađeg inspektora popunjava iz građanstva. U međunarodnim standardima je izuzetno značajno da se policija osvježava novim ljudima iz građanstva, koji imaju specifična znanja i vještine, posebno u domenu kompjuterskog kriminala, finansija, mašinskih, saobraćajnih i drugih zanimanja koja su policiji jako bitna za rad na teškim i složenim oblicima krivičnih djela i sl.

Stav predлагаča:

Amandman se ne prihvata.

Obrazloženje

Uredba o dodjeli i oduzimanju činova policijskim službenicima u Ministarstvu unutrašnjih poslova Kantona Sarajevo („Službene novine Kantona Sarajevo”br. 14/07 i 12/09) propisuje način popunjavanja radnih mjesta sa činom mlađeg inspektora, te iz tog razloga ovo ne može biti uređeno predloženim zakonom. Uredba će biti izmjenjena nakon usvajanja Zakona o policijskim službenicima.

AMANDMAN II

U Zakonu o policijskim službenicima KS dodaje se novo poglavlje X - PENZIONISANJE POLICIJSKIH SLUŽBENIKA sa novim članovima 122. i 123. koji glase:

Član 122.

(Uslov za sticanje prava na penziju policijskog službenika)

(1) Policijski službenik je lice definisano u članu 2. Zakona o penzijskom i invalidskom osiguranju i pravo na penziju ostvaruje pod uslovima utvrđenim Zakonom o penzijskom i invalidskom osiguranju Federacije Bosne i Hercegovine i ovim zakonom, pod uslovom da je:
a) imao neprekidno najmanje 15 godina staža osiguranja u svojstvu policijskog službenika i
b) u vrijeme sticanja prava na penziju imao svojstvo policijskog službenika.

(2) Policijskom službeniku iz stava (1) ovog člana lični koeficijent za ostvarivanje prava na penziju utvrdit će se na osnovu pet godišnjih plaća ostvarenih u svojstvu policijskog službenika, koje su za policijskog službenika najpovoljnije.

(3) Odredbe stava 2 ovog člana odnose se i na policijskog službenika koji uslijed zadobijenih povreda na radu, uzrokovanih neposrednim izvršenjem službenih poslova i zadataka, bude proglašen invalidom 1. kategorije.

Član 123.

(Pravo na ostvarivanje posebnog staža policijskog službenika)

Poseban staž iz Zakona o penzijskom i invalidskom osiguranju u jednostrukom trajanju uračunava se u staž osiguranja za policijskog službenika iz člana 122 stav (1) ovog zakona, samo uz pismenu saglasnost lica na koje se ta saglasnost odnosi.

Obrazloženje:

Radi se o usaglašavanju kantonalnog propisa sa federalnim kada je u pitanju oblast penzionisanja policijskih službenika.

Slijedom navedenog amandmana, postojeći članovi zakona od broja 122 do broja 132, postaju članovi 124 do 134.

Stav predлагаča:

Amandman se ne prihvata

Obrazloženje

Ustav Kantona Sarajevo u članu 12. tačka a) utvrđuje da je u isključivoj nadležnosti Kantona Sarajevo uspostavljanje i nadziranje policijskih snaga. Skupština je vezana ustavom i djeluje u skladu sa ustavnim ovlaštenjima i odlučuje o najvažnijim društvenim pitanjima, donošenjem zakona. Parlament Federacije je na osnovu nadležnosti, koju mu daje Ustav Federacije donio Zakon o penzijsko invalidskom osiguranju, koji u članu 2. propisuje da policijski službenik, u smislu ovog zakona, je lice koje je kao takvo definisano posebnim zakonom na osnovu kojeg prava iz penzijskog i invalidskog osiguranja ostvaruje kod nosioca osiguranja. Dana 26.12.2017. godine Vlada Federacije BiH sa sindikatima policija u Federaciji BiH postigla je Sporazum, kojim se obavezala da će utvrditi Prijedlog zakona o dopuni Zakona o policijskim službenicima Federacije BiH. Nakon što je Parlament Federacije donio Zakon o dopunama Zakona o policijskim službenicima Federacije BiH isti se nije mogao primjeniti na policijske službenike u kantonima već samo na policijske službenike u Federaciji BiH. Tako policijski službenici u kantonu ostaju diskriminisani u odnosu na policijske službenike u Federaciji, a kantonalno zakonodavno tijelo ne može bez saradnje sa federalnim organima nametati obaveze istima. Obrađivač zakona je dužan u skladu s članom 6. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet ako procijeni da propis ili akt planiranja ima fiskalnih posljedica na druge budžetske korisnike na razini Bosne i Hercegovine, Federacije, kantona ili jedinice lokalne samouprave u procesu konzultacija o prijedlogu propisa ili posebnim zahtjevom prije dostavljanja izjave o fiskalnoj procjeni ministarstvu financija, zatražiti mišljenje resornog ministarstva odgovarajuće razine vlasti. Predloženim amandmanom potrebna su finansijska sredstva za njegovo provođenje, u federalnom budžetu. Namatanje finansijskih obaveza federalnom nivou vlasti, bez uključivanja u izradu navedenog obrazca isti ne obavezuju. Navedeno bi imalo za posljedicu da policijski službenici ne bi mogli nakon prestanka radnog odnosa ostvariti pravo na penzionisanje u skladu sa odredbama kantonalnog zakona. S tim u vezi Ministarstvo unutrašnjih poslova Kantona Sarajevo će pokrenuti aktivnosti sa resornim ministarstvom federalnog nivoa u cilju izrade IFP obrazca.

2. AMANDMAN RASIMA LAKOTE ZASTUPNIKA SBB U SKUPŠTINI KANOTONA SARAJEVO na Prijedlog zakona o policijskim službenicima Kanotna Sarajevo

2.1. Na Prijedlog zakona o policijskim službenicima Kanotna Sarajevo, podnosi sljedeće:

AMANDMAN I

**Naziv poglavlja “Poglavlje IX - POLICIJSKI ODBOR” izmijeniti u naziv:
“Poglavlje IX- PENZIONISANJE POLICIJSKIH SLUŽBENIKA”**

POGLAVLJE IX - PENZIONISANJE POLICIJSKIH SLUŽBENIKA da glasi;

“Član 120.

(Uvjet za sticanje prava na penziju policijskog službenika)

- (1) Policijski službenik je lice definirano u članu 2. Zakona o penzijskom i invalidskom osiguranju i pravo na penziju ostvaruje pod uslovom utvrđenim Zakonom o penzijskom i invalidskom osiguranju i ovim zakonom pod uslovom da je:
- a) imao neprekidno najmanje 15 godina staža osiguranja u svojstvu policijskog službenika i
 - b) u vrijeme sticanja prava na penziju ima svojstvo policijskog službenika.
- (2) Policijskom službeniku iz stava (1) ovog člana lični koeficijent za ostvarivanje prava na penziju utvrdit će se na osnovu pet godišnjih plaća ostvarenih u svojstvu policijskog službenika, koje su za policijskog službenika najpovoljnije.

(3) Odredbe stava (2) ovog člana odnose se i na policijskog službenika koji uslijed zadobijenih povreda na radu uzrokovanih neposrednim izvršenjem službenih poslova i zadataka bude proglašen invalidom 1. kategorije.

Član 121.

(Pravo na ostvarivanje posebnog staža policijskog službenika)

Poseban staž iz Zakona o penzijskom i invalidskom osiguranju u jednostrukom trajanju uračunava se u staž osiguranja za policijskog službenika iz člana 120. stav (1) ovog zakona samo uz pismenu saglasnost lica na kojeg se ta saglasnost odnosi”.

Navedenim bi Poglavlje IX iz Prijedloga Zakona postalo Poglavlje X - POLICIJSKI ODBOR, te bi članovi 120. i 121. iz Prijedloga u slučaju usvajanja ovog Amandmana postali članovi 122. i 123., te bi nomotehnički bilo neophodno urediti preostale dijelove zakona i članove tih istih dijelova.

Obrazloženje:

Obzirom da je od završetka javne rasprave po navedenom Nacrtu Zakona o policijskim službenicima Kantona Sarajevo do danas proteklo više vremena (gotovo godinu i po dana), te da su u tom periodu doneseni određeni vrlo bitni propisi sa aspekta policijskih službenika ukazala se potreba za ovim Amandmanom na Prijedlog Zakona o policijskim službenicima Kantona Sarajevo.

Naime, u Januaru 2018. godine, u Parlamentu Federacije Bosne i Hercegovine usvojen je novi Zakon o penzijsko invalidskom osiguranju, kao Zakon o dopunama Zakona o policijskim službenicima Federacije Bosne i Hercegovine, koji su stupili na snagu 01.03.2018. godine (“Službene novine Federacije Bosne i Hercegovine” broj: 13/18), a odnose se, između ostalog, i na način ostvarivanja prava na penziju policijskih službenika kod nadležnog penzionog fonda, pa je Prijedlog Zakona o policijskim službenicima Kantona Sarajevo, u pomenutom dijelu, potrebno uskladiti sa Zakonom o dopunama Zakona o policijskim službenicima Federacije Bosne i Hercegovine, odnosno, određenim odredbama Zakona o penzijskom i invalidskom osiguranju Federacije Bosne i Hercegovine.

član 2. stav (1) tačka k) Zakona o penzijskom i invalidskom osiguranju glasi;
“Policijski službenik, u smislu ovog zakona, je lice koje je kao takvo definisano posebnim zakonom na osnovu kojeg prava iz penzijskog i invalidskog osiguranja ostvaruje kod nosioca osiguranja”.

Iz navedene definicije vidljivo je da je prava iz penzijskog i invalidskog osiguranja policijski službenik ostvaruje, između ostalog, i na osnovu posebnog zakona kojim je definisan njegov status policijskog službenika, što je, u slučaju policijskih službenika Kantona Sarajevo, Zakon o policijskim službenicima Kantona Sarajevo.

Takođe, u cilju identičnih rješenja, u prilogu amandmana nalazi se i izvod iz “Službenih novina Federacije Bosne i Hercegovine” broj:13/18 iz kojeg je vidljivo kakvo je zakonsko rješenje doneseno za policijske službenike kroz Dopunu Zakona o policijskim službenicima Federacije Bosne i Hercegovine.

Navedenom treba dodati i činjenicu da je upravo i od strane aktuelnog saziva Skupštine Kantona Sarajevo Zaključkom broj 01-05-1500-1/17 od 07.02.2017. godine pokretana Inicijativa prema Vladi Federacije Bosne i Hercegovine za izmjene Zakona o PIO Federacije Bosne i Hercegovine na način da se policijskim službenicima u Federaciji Bosne i

Hercegovine prilikom obračunavanja osnovice za penziju za obračun uzima prosjek pet posljednjih godina radnog staža prije ispunjavanja uslova za penziju ako su proveli namjanje pola radnog staža od ukupnog efektivnog staža kao policijski službenici.

Potrebno je napomenuti da su već pojedini kantoni u Federaciji Bosne i Hercegovine svoje zakone o policijskim službenicima uskladili sa gore navedenim izmjenama i dopunama Zakona o policijskim službenicima Federacije Bosne i Hercegovine, te da je Sindikat policije Kantona Sarajevo izrazio svoje nezadovoljstvo i protivljenje usvajanju Zakona bez definisanja identičnih rješenja u pogledu uslova za penzionisanje policijskih službenika.

S tim u vezi, kako bi smo izbjegli mogućnost da policijski službenici Kantona Sarajevo budu u nepovolnjem položaju po navedenoj problematiči u odnosu na druge policijske službenike, neophodno je da Skupština Kantona Sarajevo kao najviši zakonodavni organ prihvati ovaj Amandman, koji bi u konačnici omogućio da sadržaj ovog propisa u pogledu ostvarivanja prava na penziju bude identičan zakonskim rješenjima u Federaciji Bosne i Hercegovine i Zeničko-dobojskom kantonu.

Stav predлагаča:
Amandman se ne prihvata.

Obrazloženje

Ustav Kantona Sarajevo u članu 12. tačka a) utvrđuje da je u isključivoj nadležnosti Kantona Sarajevo uspostavljanje i nadziranje policijskih snaga. Skupština je vezana ustavom i djeluje u skladu sa ustavnim ovlaštenjima i odlučuje o najvažnijim društvenim pitanjima, donošenjem zakona. Parlament Federacije je na osnovu nadležnosti, koju mu daje Ustav Federacije donio Zakon o penzijsko invalidskom osiguranju, koji u članu 2. propisuje da policijski službenik, u smislu ovog zakona, je lice koje je kao takvo definisano posebnim zakonom na osnovu kojeg prava iz penzijskog i invalidskog osiguranja ostvaruje kod nosioca osiguranja. Dana 26.12.2017. godine Vlada Federacije BiH sa sindikatima policija u Federaciji BiH postigla je Sporazum, kojim se obavezala da će utvrditi Prijedlog zakona o dopuni Zakona o policijskim službenicima Federacije BiH. Nakon što je Parlament Federacije donio Zakon o dopunama Zakona o policijskim službenicima Federacije BiH isti se nije mogao primjeniti na policijske službenike u kantonima već samo na policijske službenike u Federaciji BiH. Tako policijski službenici u kantonu ostaju diskriminirani u odnosu na policijske službenike u Federaciji, a kantonalno zakonodavno tijelo ne može bez saradnje sa federalnim organima nametati obaveze istima. Obrađivač zakona je dužan u skladu s članom 6. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet ako procijeni da propis ili akt planiranja ima fiskalnih posljedica na druge budžetske korisnike na razini Bosne i Hercegovine, Federacije, kantona ili jedinice lokalne samouprave u procesu konzultacija o prijedlogu propisa ili posebnim zahtjevom prije dostavljanja izjave o fiskalnoj procjeni ministarstvu financija, zatražiti

mišljenje resornog ministarstva odgovarajuće razine vlasti. Predloženim amandmanom potrebna su finansijska sredstva za njegovo provođenje, u federalnom budžetu. Nametanje finansijskih obaveza federalnom nivou vlasti, bez uključivanja u izradu navedenog obrazca isti ne obavezuju. Navedeno bi imalo za posljedicu da policijski službenici ne bi mogli nakon prestanka radnog odnosa ostvariti pravo na penzionisanje u skladu sa odredbama kantonalnog zakona. S tim u vezi Ministarstvo unutrašnjih poslova Kantona Sarajevo će pokrenuti aktivnosti sa resornim ministarstvom federalnog nivoa u cilju izrade IFP obrazca.

3. AMANDMANI SINDIKATA POLICIJE KANTONA SARAJEVO

3.1. Na Prijedlog zakona o policijskim službenicima Kanotna Sarajevo

AMANDMAN I

u članu 83. (Kriteriji i uslovi za unapređenje), stav 4. izmijeniti da glasi:

"Policijski službenik koji se prijavljuje za unapređenje iz čina mlađeg inspektora u čin inspektor **i iz čina inspektor u čin viši inspektor** mora imati najmanje VI stepen stručne spreme ili završen prvi ciklus visokog obrazovanja 180 ECTS studijskih bodova. Policijski službenik koji se prijavljuje iz čina višeg inspektora u čin samostalnog inspektora i iz čina samostalnog inspektora u čin glavnog inspektora mora imati najmanje VII stepen stručne spreme ili najmanje 240 ECTS studijskih bodova.

Obrazloženje:

Ova odredba je pretrpjela određene izmjene nakon javne rasprave u odnosu na utvrđeni Nacrt, pa je određen broj policijskih službenika stavila u nepovoljniji položaj, jer isti smatraju da su oštećeni ograničavanjem da sa studijskih 180 ECTS bodova ili VI stepenom stručne spreme mogu biti unaprijeđeni do čina Inspektor, i iz tog razloga su uputili određene primjedbe Sindikatu uz obrazloženje da shodno važećim zakonskim propisima o visokom obrazovanju, obrazovanje sa ostvarenih 180 ECTS bodova je obrazovanje koje se smatra visokim obrazovanjem, te članovi sindikata koji se smatraju oštećeni ovako definisanom odredbom u Prijedlogu zakona, zahtjevaju da se ostavi mogućnost unapređenja do čina Viši inspektor sa opisanim stepenom obrazovanja.

Upravni odbor Sindikata smatra da se prethodno opisana primjedba može uvažiti uz određene niže navedene korekcije:

Stav predлагаča:

Amandmani nisu razmatrani, jer su dostavljeni od strane nenađležnog tijela

Obrazloženje:

Član 151. Poslovnika Skupštine Kantona Sarajevo („Službene novine Kantona Sarajevo“- Drugi novi prečišćeni tekst br.41/12, 15/13, 47/13, 47/15 i 48/16) propisuje da pravo predlaganja amandmana ima svaki poslanik/zastupnik u Skupštini, svaki klub naroda, svaki klub poslanika/zastupnika, radna tijela Skupštine i Vlada. Imajući u vidu da Sindikat policije Kantona Sarajevo nije ovlašten za predlaganje amandmana predlagač iste nije razmatrao, jer su dostavljeni od strane nenađležnog tijela.

AMANDMAN II

u članu 84. (Propisano vrijeme provedeno u prethodnom činu) stav (1) tačke b) i c) kojim će se utvrditi da je za napredovanje iz čina mlađi inspektor u čin inspektor i iz čina inspektor u čin viši inspektor potrebno provesti u svakom činu:

- četiri godine za policijske službenike sa završenim VI stepenom školske spreme,
- tri godine za policijske službenike sa završenim prvim ciklusom visokog obrazovanja i 180 ECTS studijskih bodova,
- dvije godine za policijske službenike sa VII stepenom školske spreme ili sa najmanje 240 ECTS studijskih bodova.

Obrazloženje

Uvažavajući činjenicu koja se odnosi na reformu visokog obrazovanja u Bosni i Hercegovini, te da se ne može kroz nepovoljna zakonska rješenja određeni stepen obrazovanja izjednačavati sa nižim, ali isto tako ni sa višim stepenom obrazovanja, smatramo da bi

rješenje koje bi policijske službenike sa VI stepenom školske spreme ograničilo na obavezno provedeno vrijeme od četiri godine u svakom činu od mlađeg inspektora do višeg, odnosno, tri godine za visoko obrazovanje sa 180 ECTS bodova, te dvije za VII stepen ili 240 ECTS bodova, bilo rješenje koje bi doprinijelo adekvatnijem i pravednijem zakonskom rješenju, dok bi vrijeme provedeno u činu za unapređenje iz čina višeg u čin samostalnog, odnosno, iz čina samostalnog u čin glavnog inspektora za policijske službenike sa VII stepenom ili 240 ECTS bodova ostalo definisano shodno tekstu Prijedloga zakona.

Sve navedeno Sindikat predlaže u cilju prevazilaženja određenih nejasnoća i sprečavanja otvaranja eventualnih sudskih postupaka uzrokovanih novonastalim zvanjima po osnovu obrazovanja u Bosni i Hercegovini.

Stav predлагаča:

Amandmani nisu razmatrani, jer su dostavljeni od strane nenađležnog tijela

Obrazloženje

Član 151. Poslovnika Skupštine Kantona Sarajevo („Službene novine Kantona Sarajevo”-Drugi novi prečišćeni tekst br.41/12, 15/13, 47/13, 47/15 i 48/16) propisuje da pravo predlaganja amandmana ima svaki poslanik/zastupnik u Skupštini, svaki klub naroda, svaki klub poslanika/zastupnika, radna tijela Skupštine i Vlada. Imajući u vidu da Sindikat policije Kantona Sarajevo nije ovlašten za predlaganje amandmana predлагаč iste nije razmatrao, jer su dostavljeni od strane nenađležnog tijela.

AMANDMAN III

**Naziv Poglavlje IX — POLICIJSKI ODBOR izmijeniti u naziv:
Poglavlje IX- PENZIONISANJE POLICIJSKIH SLUŽBENIKA**

"POGLAVLJE IX - PENZIONISANJE POLICIJSKIH SLUŽBENIKA da glasi:

član 120.

(Uvjet za sticanje prava na penziju policijskog službenika)

(1) Policijski službenik je lice definirano u članu 2. Zakona o penzijskom i invalidskom osiguranju i pravo na penziju ostvaruje pod uslovom utvrđenim Zakonom o penzijskom i invalidskom osiguranju i ovim zakonom pod uslovom da je:

- a) imao neprekidno najmanje 15 godina staža osiguranja u svojstvu policijskog službenika i
- b) u vrijeme sticanja prava na penziju ima svojstvo policijskog službenika.

(2) Policijskom službeniku iz stava (1) ovog člana lični koeficijent za ostvarivanje prava na penziju utvrdit će se na osnovu pet godišnjih plaća ostvarenih u svojstvu policijskog službenika, koje su za policijskog službenika najpovoljnije.

(3) Odredbe stava (2) ovog člana odnose se i na policijskog službenika koji uslijed zadobijenih povreda na radu uzrokovanih neposrednim izvršenjem službenih poslova i zadatka bude proglašen invalidom 1. kategorije.

Član 121.

(Pravo na ostvarivanje posebnog staža policijskog službenika)

Poseban staž iz Zakona o penzijskom i invalidskom osiguranju u jednostrukom trajanju uračunava se u staž osiguranja za policijskog službenika iz člana 120. stav (1) ovog zakona samo uz pismenu saglasnost lica na kojeg se ta saglasnost odnosi".

Navedenim bi Poglavlje IX iz Prijedloga Zakona postalo Poglavlje X-POLICIJSKI ODBOR, te bi članovi 120. i 121. u slučaju usvajanja ovog Amandmana postali članovi 122. i 123. i nomotehnički bi bilo neophodno urediti preostale dijelove zakona i članove istog.

Obrazloženje:

Obzirom da je od završetka javne rasprave po navedenom Nacrtu Zakona o policijskim službenicima Kantona Sarajevo do danas proteklo više vremena (gotovo godinu i po dana), te da su u tom periodu doneseni određeni vrlo bitni propisi sa aspekta policijskih službenika ukazala se potreba za ovim Amandmanom na Prijedlog Zakona o policijskim službenicima Kantona Sarajevo.

Naime, u Januaru 2018. godine, u Parlamentu Federacije Bosne i Hercegovine usvojen je novi Zakon o penzijsko invalidskom osiguranju, kao Zakon o dopunama Zakona o policijskim službenicima Federacije Bosne i Hercegovine, koji su stupili na snagu 01.03.2018. godine ("Službene novine Federacije Bosne i Hercegovine" broj: 13/18), a odnose se, između ostalog, i na način ostvarivanja prava na penziju policijskih službenika kod nadležnog penzionog fonda, pa je Prijedlog Zakona o policijskim službenicima Kantona Sarajevo, u pomenutom dijelu, potrebno uskladiti sa Zakonom o dopunama Zakona o policijskim službenicima Federacije Bosne i Hercegovine, odnosno, određenim odredbama Zakona o penzijskom i invalidskom osiguranju Federacije Bosne i Hercegovine.

Član 2. stav (1) tačka k) Zakona o penzijskom i invalidskom osiguranju glasi:

"Policijski službenik, u smislu ovog zakona, je lice koje je kao takvo definisano posebnim zakonom na osnovu kojeg prava iz penzijskog i invalidskog osiguranja ostvaruje kod nosioca osiguranja".

Iz navedene definicije vidljivo je da je prava iz penzijskog i invalidskog osiguranja policijski službenik ostvaruje, između ostalog, i na osnovu posebnog zakona kojim je definisan njegov status policijskog službenika, što je, u slučaju policijskih službenika Kantona Sarajevo, Zakon o policijskim službenicima Kantona Sarajevo.

Takođe, u cilju identičnih rješenja, u prilogu amandmana nalazi se i izvod iz "Službenih novina Federacije Bosne i Hercegovine" broj: 13/18 iz kojeg je vidljivo kakvo je zakonsko rješenje doneseno za policijske službenike kroz Dopunu Zakona o policijskim službenicima Federacije Bosne i Hercegovine.

Navedenom treba dodati i činjenicu da je upravo i od strane aktuelnog saziva Skupštine Kantona Sarajevo Zaključkom broj: 01-05-1500-1117 od 07.02.2017. godine pokretana Inicijativa prema Vladi Federacije Bosne i Hercegovine za izmjene Zakona o PIO Federacije Bosne i Hercegovine na način da se policijskim službenicima u Federaciji Bosne i Hercegovine prilikom obračunavanja osnovice za penziju za obračun uzima prosjek pet posljednjih godina radnog staža prije ispunjavanja uslova za penziju ako su proveli namjanje pola radnog staža od ukupnog efektivnog staža kao policijski službenici.

Potrebno je napomenuti da su već pojedini kantoni u Federaciji Bosne i Hercegovine svoje zakone o policijskim službenicima uskladili sa gore navedenim izmjenama i dopunama Zakona o policijskim službenicima Federacije Bosne i Hercegovine, te da je Sindikat policije Kantona Sarajevo izrazio svoje nezadovoljstvo i protivljenje usvajanju Zakona bez definisanja identičnih rješenja u pogledu uslova za penzionisanje policijskih službenika.

S tim u vezi, kako bi smo izbjegli mogućnost da policijski službenici Kantona Sarajevo budu u nepovolnjem položaju po navedenoj problematiči u odnosu na druge policijske službenike, neophodno je da Skupština Kantona Sarajevo kao najviši zakonodavni organ prihvati ovaj Amandman, koji bi u konačnici omogućio da sadržaj ovog propisa u pogledu ostvarivanja prava na penziju bude identičan zakonskim rješenjima u Federaciji Bosne I Hercegovine i Zeničko-dobojskom kantonu.

Stav predлагаča:

Amandmani nisu razmatrani, jer su dostavljeni od strane nенадležnог tijela.

P R E M I J E R

Adem Zolj, Mr.dipl.ing.saob.

Dostaviti:

1. Predsjedavajući Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Evidencija
5. A r h i v a

	<p>web: http://vlada.ks.gov.ba e-mail: vlada@vlada.ks.gov.ba Tel: + 387(0)33 562-068, 562-070 Fax: + 387(0)33 562-211 Sarajevo, Reisa Džemaludina Čauševića 1</p>	
---	---	---

